

E iai aiātatau a tagata taitoatasi ma e tatau ona latou lagona le saogalemu ma faaloologia i luga o le initaneti ma i le soifuaga moni. Ae faanoanoa lava, ua mafai ono faia i tagata faiga faamalosi, sauaga ma le inoino.

O le inoino i luga o le initaneti o soo se ituaiga osofaiga e tupu i le initaneti ma taulai atu i le talaaga o se tagata, nuu, itupa poo le faasinomaga - e pei o latou tausaga, tapuaiga, lanu o le pa'u, ituaiga o tupuaga, gagana, tulaga tau feusuaiga, uiga faafeusuaiga poo manaoga faapitoa. O nei faiga e mafai ona afaina ma faanoanoa ai tagata, e feita ma fefefe ai ia i latou 'moni' lava.

O le 'taliaina' o le lagona lea e tagata uma o le saogalemu, le faaloologia ma mafai ona iai lagona fiafia ia i latou lava, e tusa lava poo ā o latou talaaga, nuu, faasinomaga, poo le auala latou te faailoa mai ai i latou lava.



### **E mafai faapefea ona ou faaalua le uiga o lo'u taliaina o isi?**

1. Faalua se taimi e faalogo ma mātau, ma faatuputeleina lou iloa ma lou malamalama e uiga i tagata e ese o latou talaaga, nuu ma faasinomaga mai ia te oe.
2. Faaloalo ma talia eseese o tagata, e aofia ai aganuu eseese, faasinomaga, talitonuga poo ala o le olaga.
3. Ia e agalelei ma lelei i au sootaga; feutagai ma isi tagata e pei ona e manao e latou te feutagai ai ma oe.
4. Lagolagosua i uo atonu o feagai ma ni faigata e sili atu nai lo oe — pe atonu latou te talisapaia sina fesoasoani itiiti.

### **Afai na e vaai pe na taula'i mai foi ia te oe ni faiga ita i luga o le initaneti:**

1. Poloka soo se tagata e te lē o toe manao e te lua fesootea, soo se tasi e faia se mea e te lagona ai le lē saogalemu ma lē lelei ai ou faalogona. Mo faamatalaga i le auala e fai ai lenei mea i le Facebook, asiasi i le [Help Centre](#).
2. Lipoti soo se tagata poo se tusitusiga e ita pe lē saogalemu ai ou faalogona. Mo faamatalaga i le auala e fai ai lenei mea i le Facebook, asiasi i le [Help Centre](#).
3. Talanoa i se tasi e te maufaatuatuaina mo se lagolagosua ma fautuaga, mo se faataitaiga o se uo mamae, tagata o le aiga, taitai lotu, faalapotopotoga o aiātatau a tama'ita'i ma tamaiti poo se faiaoga.

## Fautuaga mo auala e te puipuia ai oe lava ma isi i luga o le initaneti:

1. Puipui lau imeli ma au accounts i luga o fesootaiga televavave e ala i le [faatulaga o ni passwords malolosi](#) ma se [ma se faamaoniga e lua vaega](#). Talosaga i se tasi e te mau faatuatuaina mo se fesoasoani i lenei mataupu, pe a e manaomia.
2. Aua le faailoaina atu faamatalaga e patino ia te oe e pei o au passwords, poo fea e te nofo ai, le numera o lau telefoni poo faamatalaga o au teugatupe i tagata e te lē iloa.
3. Afai e te tau atu i se mea i luga o le initaneti e te lē fiafia ai, pe lē malamalama ai, ta'u i se tasi e te mau faatuatuaina.
4. Na o le lafo ma talia talosaga faauo pe afai e te iloa lelei le tagata.



**MANATUA: E tatau i tagata taitoatasi ona lagona le saogalemu, talia ma mafai ona solo lelei o latou faalogona ia i latou moni lava, i soo se taimi e o ai i luga o le initaneti. O le matafaioi a tagata uma le faamautinoa o loo saogalemu le initaneti mo tagata uma.**

Mo nisi faamatalaga, asiasi i le itulau a le Netsafe New Zealand i le [lagolagosua i mea o loo tulai mai ai uiga ita](#), ma [sauaga](#) i luga o le initaneti [e faavae mai i itupa ma le faasinomaga o itupa](#).